

## Utschrieven Johann-Friedrich-Dirks-Pries 2012

De Stadt Emden hett over en plattdüütse Literaturpries besloten, de all twee Jahr utschreven worden sall. De Pries is nööm't na de Emden Dichter un Schriever Johann Friedrich Dirks, geboren an d' 9. Februar 1874 in Emden, overleden an d' 31.03.1949 in Emden.

De Stadt Emden sörgt daarföör, dat de Pries van nu of an all twee Jahr an de 9. Februar, JFD sien Gebuursdag, utschreven word, dat d'r 'n Jury is, dat 't all na Recht un Regel oflopen deit, un uplest ok bi 'n moje Fier in de Rummel van 't Raadhuus de olle Dichtersmann un de neje Priesdragers ehrt worden.

Dat Priesgeld van 2500 € un en Förderpries van 500 € un de Kösten för en lüttje Skulptur dragt de Familie Dirks, mit 1000 € stöönt de Spaarkass Emden en Weddstrried för junge Schrievers. Disse 1000 € können an en Gruppe gahn of updeelt worden in en eerste, tweede un darde Pries van 500, 300, 200 €.

- Mitmaken dürt elk un een, de plattdüüts schrieven deit.
- Lyrik is nett so tolaten as Prosa, ok Stücken van 'n Hörspill of van 'n Theaterstück dürt een stüren, nett so, as all dat ok in J.F.Dirks sien Wark to finnen is.
- Junge Lüü können ok 'n lüttje Film maken of up 'n anner Aard un Wies mitmaken un neje Medien bruken
- Texten van mehr of minner fiev Sieden worden verwacht. Bi Gedichten langen fiev Gedichten. Bi 'n Stück ut 'n Roman of Theaterstück of Hörspill kann de Schriever kört utföhren, wo dat hele Wark tosomensitt.
- De Texten worden anonym mit en Kennwoord instüürt, in teihn Kopien, un 'n versloten Breev daarbi mit Naam un Adress daarin - ok mit dat Kennwoord buten .
- De Pries word all twee Jahr mit en Thema för all Schrieverslüü un en egen Thema för junge Schrievers (bit 20) utschreven - an JFD sien Gebuursdag, de 9. Februar.
- Dat eerste Thema för de Pries 2013 heet „**Well weet, waar 't gaud för is**“ - Titel van en *Geschicht* van J. F. Dirks.
- Dat Thema för de junge Lüü stammt ut en *Gedicht* Johann Friedrich Dirks: „**Ik gah as dör en Wunner**“, kann gahn um (eerste) Leevde, Dröömwelten, Fantasy...
- Dat Utschrieven word bekennt maakt in de Dagbladen un Tiedschriften, in 't Internet, bi Radio Oostfreesland, un besünners ok in de Scholen in Emden, Hinte un Krummhörn.
- Bit to d' 30 September mutt dat Wark bi de Stadt Emden ankommen wesen: Stadt Emden, Kulturbüro, z. Hd. Frau Doden, Groot Straat 13, 26721 Emden
- Daar kann een ok nafragen of sük informeren: Tel: 04921-87-1266 of ok dör Email [kulturbuero@emden.de](mailto:kulturbuero@emden.de)
- Anner Jahr an d' 9. Februar word bekennt maakt, well de Priesen kregen hett, ruugweg veer Week later gifft dat denn en moje Fier in d' Rummel van 't Raadhuus, utricht van de Stadt Emden.
- Tegen dat, wat de Jury overlegt un fastsett, is kien Beswaar mögelk.

För de Stadt Emden:

(Bornemann, Boverste Börgmester)